



# MEMORIA

## MEM01\_04: ORGANIZACIÓN.

O municipio de Pontevedra ten unha extensión de 117 km<sup>2</sup>, e unha poboación de dereito a 31 de decembro de 2014 de 83.945 habitantes. Esta poboación se reparte entre o casco urbano de Pontevedra e as súas quince parroquias: Salcedo, Lourizán, Mourente, Marcón, Bora, Tomeza, Alba, Campañó, Cerponzóns, Lárez, Verducido, Santa María de Xeve, Santo André de Xeve, Pontesamapio e A Canicouva.

A Corporación municipal a 31 de decembro de 2014 estaba constituída por 25 Concelleiros, sendo a súa distribución por grupos políticos a seguinte: BNG, 11 Concelleiros; PP, 11 Concelleiros; e PSOE, 3 Concelleiros.

O Pleno da corporación municipal na sesión que tivo lugar en data 26 de outubro de 2005 ao abeiro do disposto no artigo 2 da Lei 4/2004, do 28 de xuño do Parlamento de Galicia para á aplicación aos Concellos de Ferrol, Lugo, Ourense, Pontevedra e Santiago de Compostela do réxime de organización dos concellos de gran poboación, prestou aprobación definitiva aos regulamentos orgánicos do Pleno e as súas Comisións, do Goberno e da administración e do Tribunal económico-administrativo.

Así pois, o Concello conta con tres Regulamentos orgánicos que veñen a determinar as principais normas de funcionamento do seus órganos e administración.

A estrutura orgánica do goberno está configurada en oito grandes áreas, segundo Decreto da Alcaldía do 25 de xuño de 2012 :

- Area de Urbanismo .
- Area de Ordenación do Territorio .
- Area de Cultura e Dinamización Sociocultural
- Area de Facenda e Medio Ambiente.
- Area de Educación e Deportes.
- Area de Réxime Interior e Persoal.
- Area de Protección Cidadá, Servizos e Festas.
- Area de Accesibilidade, Patrimonio Histórico e Sociedade do Coñecemento.

Así mesmo, no devandito Decreto se confiren delegacións especiais nos seguintes servizos:

- Servizo de Promoción Económica, Emprego e Turismo.
- Servizo de Igualdade e Servizos Sociais .
- Servizo de Normalización Lingüística e Xuventude.
- Servizos Territorializados.
- Servizo de Transporte Público e Sensibilización Ambiental.

O Concello conta con dous organismos autónomos, o Instituto Municipal de Deportes e o Pazo de Congressos e Exposicións e coa empresa Turismo de Pontevedra SA.

Por outra banda, forma parte da Mancomunidade do servizo de Vertedoiro de Residuos Sólidos Urbanos, actualmente en trámites de extinción, e da Mancomunidade Terras de Pontevedra. Así mesmo, tamén forma parte da Fundación Monte-Castrove e da Asociación do Eixo Atlántico.

## **MEM02\_04 :XESTION DE SERVICIOS PUBLICOS.**

Os servizos públicos xestionados de maneira indirecta son o servizo de recollida de lixo, o servizo de abastecemento de auga , o de mantemento de parques e xardíns e o de retirada, transporte e custodia de vehículos da vía pública (guindastre).

- Recollida de lixo: O contrato foi adxudicado a Inxeniería Urbana S.A. (posteriormente CESPAS S.A.) o 27 de maio de 1999, por un importe anual de 3.022.953,49 euros. Posteriormente foi aprobada unha ampliación do contrato inicial, acordado polo Pleno da Corporación en sesión ordinaria que tivo lugar o 22 de xullo de 2005, mais unha segunda modificación do contrato para “ a recollida porta a porta e fracción papel e ampliación da limpeza e mellora de medios no Mercado de Abastos”.

O día 16 de maio de 2011 tamén foi aprobada unha modificación do contrato, engadindo un Anexo V aos pregos de prescricións técnicas coa denominación PUNTO LIMPO, incrementándose o prezo en 148.408,48 euros/anuais (IVE incluído).

A Xunta de Goberno Local, na sesión ordinaria citada do día 16 de maio de 2011, acorda aprobar a prórroga deste contrato por un prazo de tres anos, voltándose a aprobar unha nova prórroga de tres anos pola Xunta de Goberno Local o 9 de xuño de 2014.

Logo das revisións de prezos e das modificacións aprobadas, o canon total anual ascende a 5.624.697,48.- euros, segundo acordo adoptado pola Xunta de Goberno Local na sesión ordinaria que tivo lugar o 17 de marzo de 2014.

- Abastecemento de auga, saneamento e depuración: A adxudicación deste contrato á empresa AQUAGEST S.A. tivo lugar o 28 de novembro de 1996, cunha duración de vinte anos. A última revisión de prezos aprobada é a corresponde ao exercicio 2009, 2010 e 2011 e foi acordada pola Xunta de Goberno Local na sesión ordinaria que tivo lugar o 16 de setembro dec 2013, quedando estes establecidos no seguinte (prezos sen IVE): subministración, *0,38173959 €/metro cúbico*; rede de sumidoiro *0,20555342 €/metro cúbico*.



- Parques e xardíns: Foi adxudicado á empresa ELSAMEX S.A. o 19 de decembro de 2005, por un importe anual de 437.051,36 euros, correspondendo a cantidade de 343.051,36 euros ao mantemento dos xardíns, e o resto, e dicir, 94.000,00 euros a obra e plantación. A duración do contrato é de catro anos, prorrogables anualmente ata un máximo de seis.

Na sesión ordinaria da Xunta de Goberno Local do 29 de xaneiro de 2013 foi autorizada a empresa ELSAMEX SA para a continuación do contrato ata o 28 de febreiro de 2014, sen posibilidade de prórroga.

A última revisión de prezos foi aprobada pola Xunta de Goberno Local na sesión ordinaria que tivo lugar o 17 de marzo de 2014, con efectos do 1 de febreiro do 2013 ata 31 de xaneiro de 2014, quedando o prezo mensual polo concepto de mantemento en 35.086,67.- euros, IVE incluído.

Con data dez de decembro de 2014 foi emitido informe de fiscalización ao expediente iniciado para a contratación do servizo de mantemento e conservación de zonas axardinadas e arborado viario do municipio de Pontevedra, e que se atopa en licitación.

- Recollida, retirada, transporte, inmovilización, depósito e custodia de vehículos e outros obstáculos das vías públicas: Con data 10 de agosto de 2012 foi formalizado o contrato administrativo da xestión deste servizo municipal coa empresa SETEX-APARKI, S.A., para a súa prestación ata o 31 de decembro de 2019, prorrogable por períodos dun ano ata un máximo de tres anos.

#### **MEM03\_04: BASES DE PRESENTACION DAS CONTAS.**

Ao longo do exercicio económico, tanto no rexistro das operacións económico-financieiras, como na elaboración das contas anuais se seguiron as disposicións do Modelo Normal da ICAL 2004.

En ningún caso foi necesaria a utilización de outros principios contables que se separaran dos criterios dos principios contables públicos para a consecución da imaxe fiel.

#### **MEM04\_04: NORMAS DE VALORACION.**

O rexistro contable dos bens e dereitos do inmovilizado se axustou ás normas de valoración ás que fai referencia a Quinta parte do Plan Xeral de Contabilidade Pública anexo á ICAL 2004.

Para a dotación das amortizacións do Inmovilizado Inmaterial, e tendo en conta as dificultades que para o seu cálculo constitúe o feito de que non se conte nin con un Inventario Municipal, nin con un Inventario contable, se seguen os criterios de amortización establecidos nas Bases de execución do Orzamento de 2014, que difiren dos que ata o 2012 se tiñan en conta e que se correspondían aos sinalados no informe de fiscalización do exercicio de 1997 efectuado polo Consello de Contas. O seu cálculo ven especificado no informe do OXPC á Conta Xeral.

Polo que respecta á dotación da provisión para insolvencias, se seguiu o criterio establecido nas Bases de Execución do Orzamento para o cálculo dos dereitos de difícil ou imposible recadación.